



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

კალმახელიძე ლიანა მიხეილის ასული



ლ. კალმახელიძე სცენაზე

კალმახელიძე ლიანა მიხეილის ასული (დ. 25. X.1947, თელავი), მომღერალი (ლირიკულ-კოლორატურული სოპრანო). საქართველო. სახ. არტიტი (1987), საქართველო. სახელმწ. პრემიისა (1992) და მ. გლინკას სახ. მოსკოვის ვოკალისტთა საკავშირის კონკურსის (1975) ლაურეატი. 1973 დაამთავრა თბილისის სახელმწ. კონსერვატორია (პროფ. ი. ფალიაშვილის კლასი).

კ. 1975-იდან თბილისის ოპერისა და ბალეტის თეატრის სოლისტია. წარმატებით ასრულებს ქართულ და კლასიკურ საოპერო რეპერტუარის მთავარ პარტიებს, რთაგანაც განსაკუთრებით აღსანიშნავია მარინი (ზ. ფალიაშვილის „აბესალომ და ეთერი“), ქეთო (ვ. დოლიძის „ქეთო და კოტე“ და განახლებული დადგმა – ჯ. და ვ. კახიძეების „ბარბაღე“), მარგალიტა (ო. თაქთაქიშვილის „პირველი სიყვარული“), ვიოლეტა, ჯილდა (ჯ. ვერდის „ტრავიატა“, „რიგოლეტო“), როზინა (როსინის „სევილიელი დალაქი“), ცერლინა (ვ. ა. მოცარტის „დონ ჟუანი“), მარგარიტა (შ. გუნოს „ფაუსტი“) და სხვ. 1976–77 კ-მ სტაჟირება გაიარა იტალიაში, მილანის თეატრ „ლა სკალაში“. ეწევა საკონცერტო მოღვაწეობას. წარმატებით გამოდიოდა იტალიის, გერმანიის, თურქეთის, ისრაელის, პოლონეთის და სხვა ქვეყნების ქალაქებში. 2004-იდან კ. თბილისის შოთა რუსთაველის სახ. თეატრალური უნივერსიტეტის პროფესორია. დაჯილდოებულია ღირსების ორდენით (1999).
